

## COINHUB STAKING ҮЙЛЧИЛГЭЭНИЙ НӨХЦӨЛ

Энэхүү үйлчилгээний нөхцөлийг COINHUB виртуал хөрөнгийн бирж (цаашид “COINHUB”, “Бирж” гэх)-ээс шаардлага хангасан, үнэнч, тогтвортой үйлчлүүлж буй хэрэглэгч (цаашид “Та”, “Хэрэглэгч” гэх) нартаа зориулсан, тэднийг урамшуулах зорилгоор хэрэгжүүлэх Staking үйлчилгээ (цаашид “үйлчилгээ” гэх)-г үзүүлэх харилцаанд баримтална.

Тус үйлчилгээний нөхцөл нь “COINHUB ҮЙЛЧИЛГЭЭНИЙ НӨХЦӨЛ” (“Үндсэн үйлчилгээний нөхцөл”)-ийн салшгүй хэсэг болох бөгөөд энэ үйлчилгээний нөхцөлд тодорхойлоогүй асуудлыг Үндсэн үйлчилгээний нөхцөлөөр зохицуулна. Энэ үйлчилгээний нөхцөл Үндсэн үйлчилгээний нөхцөлтэй зөрчилдсөн тохиолдолд энэ үйлчилгээний нөхцөлийг баримтална.

COINHUB энэ үйлчилгээний нөхцөлд хэдийд ч өөрчлөлт оруулах, шинэчлэх эрхтэй ба өөрчлөлт, шинэчлэлтийг [www.coinhub.mn](http://www.coinhub.mn) сайтад нийтэлсэн цагаас эхлэн мөрдөнө. Хэрэв та өөрчлөлт, шинэчлэлтийг хүлээн зөвшөөрөхгүй байгаа бол үйлчилгээг цуцлах, авахгүй байх эрх нээлттэй болохыг сануулж байна.

COINHUB нь банк эсхүл хадгаламжийн үйлчилгээ үзүүлэгч биш бөгөөд таны бирж дэх данс нь аливаа банкны эсхүл хадгаламжийн данс биш, түүнтэй адилтгах аливаа шинж агуулаагүй болно.

Энэ үйлчилгээний нөхцөл нь хэрэглэгч болон биржийн хооронд үйлчилгээтэй холбогдох гэрээний харилцааг үүсгэж, гэрээний адил хэрэгжих тул та үйлчилгээ авахаас өмнө энэ үйлчилгээний нөхцөлтэй сайтар танилцаж, “би зөвшөөрч байна” товчийг дарна уу. Хэрэв та үйлчилгээг авахдаа итгэлгүй байгаа бол танд дахин бодож үзэхийг зөвлөж байна.

### 1. НЭР ТОМЬЁОНЫ ТАЙЛБАР

**“виртуал хөрөнгө”** гэж Таны хэтэвч дэх “CHB” койныг;

**“өгөөж”** гэж үйлчилгээ авсны төлөө танд өгч буй энэ үйлчилгээний нөхцөлд тодорхойлсон хэмжээний виртуал хөрөнгийг;

**“үйлчилгээ”** гэж шаардлага хангасан хэрэглэгч энэ үйлчилгээний нөхцөлд тодорхойлсон хэмжээ, хугацаанд нийцүүлэн өөрийн виртуал хөрөнгийг COINHUB дахь хэтэвчдээ хадгалсны төлөө өгөөж хүртэж буйг;

**“шаардлага хангасан хэрэглэгч”** гэж энэ үйлчилгээний нөхцөлийн 2 дугаар зүйлд заасан үйлчилгээ үзүүлэх үндсэн нөхцөлийг хангаж буй, үйлчилгээг хориглосон эсхүл хязгаарласан аливаа улс орны иргэн эсхүл оршин суугч биш, үйлчилгээг авч буй хууль ёсны, холбогдох хууль зөрчөөгүй COINHUB-ын хэрэглэгчийг;

## **2. ҮЙЛЧИЛГЭЭ ҮЗҮҮЛЭХ ҮНДСЭН НӨХЦӨЛ**

1. Үйлчилгээг 90 эсхүл 180 хоногийн хугацааны сонголттойгоор үзүүлнэ.
2. Нэг удаад үйлчилгээ авах виртуал хөрөнгийн доод лимит 50,000 ширхэг, дээд лимит 300,000 ширхэг байна.
3. Хэрэглэгч 90 эсхүл 180 хоногоор үйлчилгээ авсан виртуал хөрөнгийн хэмжээ нь дээд лимитэд хүрээгүй бол зөвхөн сонгосон хугацаанаас өөр хугацаагаар үлдэгдэл хэмжээнд тааруулж үйлчилгээ авах боломжтой. Жишээ нь: Хэрэглэгч 90 хоногоор 100,000 ширхэг виртуал хөрөнгөөр үйлчилгээ авсан тохиолдолд, дахин 200,000 ширхэг виртуал хөрөнгөөр зөвхөн 180 хоногийн үйлчилгээ авах боломжтой.
4. Өгөөжийн хэмжээг 1 жилээр буюу 365 хоногоор тооцож хувиар илэрхийлнэ. Жишээ нь: үйлчилгээний жилийн өгөөж 10% бол 90 эсхүл 180 хоногийн өгөөжийг уг суурь дүнгээс хувиалан тооцоолно.
5. Өгөөжийн хэмжээг зах зээлийн нөхцөл байдал, эрсдэлийн хүчин зүйлсийг харгалзан COINHUB дангаар тогтоох эрхтэй ба тухай бүр [www.coinhub.mn](http://www.coinhub.mn) сайтаар энэхүү үйлчилгээг авахад тоцооллыг автоматаар гүйцэтгэж, өгөөжийн хувийг хэрэглэгчид харуулна.
6. Өгөөжийн хэмжээнд өрсөлдөөн эсхүл ижил төсөөтэй үйлчилгээ, банкны хадгаламжийн хүүгийн хэмжээ зэрэг бусад аливаа төрлийн үйлчилгээ хамааралгүй байна.
7. Хэрэглэгчийн үйлчилгээ авч буй виртуал хөрөнгөнд ногдол орлого хуваарилагдах боломж хэвээр хадгалагдах ба өгөөж байдлаар хүлээн авсан виртуал хөрөнгийн хувьд хэрэглэгчийн хэтэвчинд орсон дараагийн өдрөөс ногдол орлого хуваарилах боломжтой.

## **3. ҮЙЛЧИЛГЭЭГ ЦУЦЛАХ, ДУУСТАВАР БОЛОХ**

1. Хэрэглэгч үйлчилгээг хэзээд цуцлах эрхтэй байна.
2. Хэрэглэгч үйлчилгээг цуцлах эсхүл үйлчилгээний хугацаа дуусах үед энэхүү үйлчилгээг авах эрх дахин нээгдэнэ.
3. Хэрэглэгч үйлчилгээний хугацаа дуусах эсвэл өөрийн хүсэлтээр үйлчилгээг цуцлах хүртэл үйлчилгээ авахад ашигласан виртуал хөрөнгийг түгжих тул бусдад шилжүүлэх, арилжаалах боломжгүй.

4. Хэрэглэгч хугацаанаас өмнө үйлчилгээг цуцлах тохиолдолд энэхүү үйлчилгээний нөхцөлд заасан өгөөж хүртэх боломжгүй.
5. Хэрэглэгч үйлчилгээг цуцлах хүсэлт өгснөөс хойш 48 цагийн дотор COINHUB хүсэлтийг шийдвэрлэх бөгөөд энэ хугацаанд виртуал хөрөнгийг бусдад шилжүүлэх, арилжаалах боломжгүй байна.
6. Үйлчилгээний хугацаа дуусмагц өгөөж хэрэглэгчийн хэтэвчинд автоматаар шилжиж орно.

#### **4. ЭРХ ОЛГОСОН ТУХАЙ**

1. COINHUB үйлчилгээнд зориулж түгжсэн Хэрэглэгчийн виртуал хөрөнгийг үйлчилгээний хугацаанд ашиглах эрхийг Хэрэглэгч COINHUB-д олгож байна.
2. COINHUB зөвхөн үйлчилгээний хугацаанд Хэрэглэгчийн виртуал хөрөнгийг ашиглах эрхтэй. Энэхүү ашиглалт нь Хэрэглэгч үйлчилгээ цуцлах эсхүл хугацаа дуусгавар болох үед энэ үйлчилгээний нөхцөлд заасан хугацаанд Хэрэглэгчийн виртуал хөрөнгийг буцаан олгоход аливаа саад учруулахгүй.

#### **5. ЭРСДЭЛИЙН ХҮЧИН ЗҮЙЛС**

1. Үйлчилгээ авах нь цор ганц хэрэглэгч таны гаргах шийдвэр тул та өөрөөс хамаарах боломжтой эрсдэлийг сайтар тооцоолно уу.
2. Үйлчилгээнд урьдчилан таамаглах боломжгүй эрсдэлүүд дараах хүчин зүйлсээс эсхүл эдгээрээр хязгаарлагдахгүй бусад хүчин зүйлсээс хамаарч учирч болно. Үүнд:
  - 2.1. COINHUB нь хуулиар зохицуулагдсан банк, хадгаламжийн болон үнэт цаасны үйлчилгээг үзүүлэгч биш;
  - 2.2. Хэрэглэгчээс үйлчилгээнд ашиглаж буй виртуал хөрөнгө нь аливаа даатгалгүй;
  - 2.3. Үйлчилгээ, өгөөж, шаардлага хангасан хэрэглэгч, татвар зэрэг эдгээрээс бусад байдлаар үйлчилгээтэй холбоотой олон улсын, дотоодын хууль тогтоомжийн өөрчлөлт, түүний үр дагавар;
  - 2.4. Өгөөж нь ямар нэг баталгаа эсхүл эрх биш бөгөөд COINHUB өгөөжийн хэмжээг хэдийд ч өөрчлөх боломжтой /үйлчилгээ авах үед тогтоосон өгөөж энэхүү заалтад хамаарахгүй/;

## 6. БУСАД

1. COINHUB, түүний захирал, албан тушаалтан, ажилтан, зөвлөхүүд нь таныг үйлчилгээ авахад зориулж хууль зүйн, татварын, санхүүгийн, хөрөнгө оруулалтын зэрэг аливаа зөвлөгөөг бэлтгээгүй болно.
2. Үйлчилгээ нь Та болон COINHUB-ын хооронд аливаа хөрөнгө хариуцсан итгэмжлэлийн харилцааг бий болгоогүй ба хэрэглэгч үйлчилгээ авсныг хөрөнгийг итгэмжлэн хамгаалуулсан гэж үзэхгүй.